



# Synfocity = 1017

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

January 22, 2026

## ❑ Women Centre-a zir tur 2026 Batch hawn a ni

January 20, 2026 (Thawhlethni) chhun dar 12 khan Women Centre, Phunchawnga zir tur 2026 Batch hawnna inkhawm neih a ni.

Programme hi Pi Vanlalhlamuan, Vice Chairman-in a kaihrui a. NI. H. Vanlalruati, General Secretary-in inhmelhriattirna hun a hmang a, Pi R. Lalrinpuui, Women Centre Superintendent-in Hostel Rules chungchang inhriattirna hun a hmang a, Rev. Dr. K. Lallawmzuala, Executive Secretary i/c Kohhran Hmeichhiain zir turte fuihna thu a sawi. Women Centre-a zir tur te hi puan thui zir tur an ni a, zirlai 50 an awm a, zir hun chung hi kum khat a ni. Kohhran Hmeichhe Rorel Inkhawmin a rel angin kum 2024 atangin Puanthui zirchhuakte hi puanthui khawl pek an ni. Women Centre-ah hian Superintendent pakhat, zirtirtu pahnih leh staff pathum, an vaiin thawktu paruk an awm mek a ni.

Women Centre hi Kohhran Hmeichhe enkawl a ni a, hmeichhe dinhmun harsa leh khawsakna lama tanpui ngaite chawi kanna atana din a ni a. Kum 2016 atang khan Puanthui zirna tan a ni a, mi eng emaw zatin an zir chhuak tawh a, kum 2017 atangin Puantah zirna tih belh niin, mi eng emaw zatin an zir chhuak tawh bawk.

## ❑ MSSU Trainers' Meet neih a ni

January 22, 2026 (Ningani) hian MSSU Trainers' Meet 2026 chu Devotion Room, Synod Office-ah neih a ni a, mi 51 an kal.

Trainers' Meet hi hun hnihah then a ni a, chawhma hun hi Rev. Dr. K. Lallawmzuala, Executive Secretary i/c MSSU-in a kaihrui a, Upa Lalthahluna Ralte, Coordinator-in inlawmna leh inhmelhriattirna hun a hmang a, Kum 2026 Puitling Sunday School zirlaibu ziaktu Rev. Dr. H. Lalrinthanga'n zirlaibu a ziah dan kalhmang leh hriat tur thil pawimawh tak tak te a sawi a, zawhna leh chhanna hun hman zui a ni.

Chawhnu hun hi Upa Lalthahluna Ralte, Coordinator-in a kaihrui a, chawhnu hunah hian Sunday School Zirtirtu chungchanga hmathlir leh hmasawmna tura rawtna atangin sawi hona neih a ni.

Trainer's Meet hi rawngbawl tura infuih tharna hun atan hman a ni deuh ber thin a, Puitling Sunday School zirlaibu ziaktu hovin zirlai zir lawkna neih thin a ni bawk.

Tun dinhmunah MSSU hnuaiyah hian Trainer mi 60 an awm mek a ni.

## ❑ Bial KTP Conference

January 23-25, 2026 chung hian Bial hrang hrangah Bial KTP Conference hman a ni dawn a. January 23 (Zirtawpni) zanah Palai lawmna leh report inkhawm a ni ang a, January 24 (Inrinni) nilengin Rorel a ni ang a, Inrinni zan atanga Pathianni zan thlengin vantlang Pathian biak inkhawm a awm ang.

Bial Conference hman dan tur hi Bial committee-in ngaihtuahin a remchan dan anga hman thin a ni a, churang chuan bial hrang hranga conference hman dan pawh a inang vek lo a, Bial thenkhatah thupui thlan bik neiin speaker ten an sawi thin a, bial thenkhatah chuan thupui thlan bik pawh nei lovin bial hruaituten an insawi chhawk chang pawh a awm thin a ni.

Central KTP hruaitute pawh Bial KTP Conference hmanpui turin Bial hrang hrangah an kal ang.

Report hnuhnung bera a lan danin tun dinhmunah Bial 223 awmin Branch 907 a awm mek a, KTP member 1,77,548 (mipa 1,07535 leh hmeichhia 70,013) an awm mek a ni.

## ❑ KTP

January 16, 2026 (Zirtawpni) khan Ramthar Veng Branch KTP Golden Jubilee hmanpuiin Central KTP Hruaitute, Pu C. Lalkhawngaiha, Asst. Secretary leh Pu Rossi Lallawmawma, committee member te an kal.

## ❑ Trust

January 20-21, 2026 chung khan Lungleiah Synod House sak mek en puin Pu Lalhriatrenga, J.E leh Pu Kros Nuntluanga, J.E te an kal.

☐ **Synfo**

January 20, 2026 (Thawhlejni) khan Saitualah KṮP General Conference thlenna tur Pandal enin thawktute, Pu Peter Lalanpuia leh Tv. R. Lalnunluanga te an kal.

☐ **Campus Ministry**

January 21, 2026 (Nilaini) khan Synod Campus Ministry leh Union of Evangelical Students of India (UESI) Mizoram Hruaitute nen inkawm hona neiin rawngbawl ho zel dan tur te, ṭul leh pawimawh hrang hrang te leh thawh hona ṭha zawk neih zel dan tur te an sawi a ni.

☐ **Mizoram Christian College (MCC)**

♦ January 10-17, 2026 chhung khan Mizoram Christian College-a Commerce 5th Semester zirlai 20 leh zirtirtu 3 te chuan New Delhi-a Industrial Tour neiin an kal a. He Industrial Tour-ah hian Industry hmun hrang hrang an tlawh a, chung zingah chuan - Ministry of Commerce & Industry, Govt. of India hnuai India Trade Promotion Organisation (ITPO) te, Ministry of MSME, Govt. of India hnuai National Small Industries Corporation Ltd., Okhla te, Ministry of Commerce & Industry, Govt. of India hnuai mi Agricultural and Processed Food Products Export Development Authority (APEDA) leh Ministry of Commerce & Industry, Govt. of India hnuai Indian Insitute of Foreign Trade (IIFT) te an tlawh a ni.

♦ Kum 2025 Odd Semester Exam Results chu Mizoram University-in January 20, 2026 khan a tichhuak a, Mizoram Christian College pawhin a tlangpui thuin result an nei ṭha a, hetiang hi result an neih dan chu a ni:

Arts	88.24%
Commerce	93.65%
Management	76.92%

MCC zirlai exam zawng zawng 323 aṭangin zirlai 284-in an pass a, pass percentage hi 87.93 a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund aṭangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Siahatla	Damlo	2	₹ 20,000/-
2.	Tuirial	Khawsak harsa	2	₹ 20,000/-
3.	Airfield Vengthar	Khawsak harsa	1	₹ 10,000/-
4.	Zawngin	Damlo	1	₹ 10,000/-
5.	Phullen Vengthar	Damlo	1	₹ 10,000/-
6.	Chhiahtlang Venghlun	Damlo	1	₹ 10,000/-
7.	Thenzawl Field Veng	Damlo	1	₹ 10,000/-
			<b>Belh khawm</b>	<b>₹ 90,000/-</b>

☐ **Hruaina Eng TV Programme**

- 22.1.2026 (Ningani) 08:30 pm : Thupui zir bing
- 23.1.2026 (Zirtawpni) 05:00 pm : Kristian Naupang Pual
- 24.1.2026 (Inrinni) 05:30 pm : Puitling Sunday School Zirlai
- 25.1.2026 (Pathianni) 07:00 am : Sermon - Rev. Dr. C. Lalramchhana  
08:00 am : Weekly round up
- 27.1.2026 (Thawhlejni) 06:00 pm : Nilai zan thupui  
08:30 pm : Kohhran Chanchin - Model Veng Kohhran

☐ **FM Zoawi - Aizawl & Lunglei : Hruaina Eng Radio Programme**

January 23, 2026 (Zirtawpni) @ 7:30 p.m. :

- Solo : B. Lalremtuangi - Zalenna ni ropui
- Zaipawl : Electric Veng Kohhran Zaipawl - Kan khualzinna ram
- Thusawi : Rev. Dr. H. Lalrinthanga - Pathian ralthuam famkima inthuum
- Solo : H. Lalhruaitluangi - Ka engkima ka engkim
- Zaipawl : Darlawn Kohhran Zaipawl - Buh chite

☐ **Moderator leh Executive Secretary-te Programme :**

**Rev. John Raldosanga, Moderator Prog:**

Jan. 24-27, 2026 New Delhi - Kohhran tlawh

**Rev. V.L. Luaia Hranleh, Senior Executive Secretary Prog:**

Jan. 24-25, 2026 Vaivakawn Bial KṚP Conference

Jan. 30, 2026 Pro. Pastor Orientation programme kharna hmanpui

**Rev. Dr. K. Lallawmzuala, Executive Secretary Prog:**

Jan. 24-25, 2026 Muallungthu Bial KṚP Conference

Jan. 26, 2026 John Williams Hospital Managing Committee

Jan. 27, 2026 Pro. Pastor Orientation

Jan. 29, 2026 Social Front Executive Committee

**Rev. Dr. Rosiamliana Tochwawng, Executive Secretary Prog:**

Jan. 24-25, 2026 Rabung Bial KṚP Conference

Jan. 27, 2026 PBS Committee & CKṚP Committee

Jan. 29, 2026 Pro. Pastor Orientation

Feb. 1, 2026 Sihphir Kohhran (Chawhnu & Zan)

**January 28, 2026-a OM leh ni 30, 2026-a Synod Service Board-ah Moderator leh Executive Secretary-te an ṭhu ang.**

**MISSIONARY TRAINING COLLEGE (MTC) HRIATTIRNA**

Missionary Training College (MTC), Mission Vengthlang-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office-ah ni 1 October, 2025 aṭangin lak chhuah theih a ni e. Application Form hi MTC website: <https://www.mtc.edu.in>- ah download theih a ni bawk ang.

Dil thei chin : Cl- XII pass chin

Dilna theh luh hun hnuhnung : Ni 27 February, 2026 (Friday)

Entrance Test : Ni 10 March, 2026 (Tuesday); 9:30 A.M @ MTC, Mission Vengthlang

Interview : Ni 12 March, 2026 (Thursday); 10:30 A.M

@ Committee Room I, Synod Office, Mission Veng

*Sd/-*

Rev. Lalfakzuala

Principal

Missionary Training College

Mission Vengthlang

Ph. No. : 9818719321/9612164982

**SIKULPUI 2026 -2027 ADMISSION HRIATTIRNA**

**NEW ADMISSION:**

**1. 'A' Pawl**

Dilna Form lak chhuah leh theh luh hun -  
January 19 - 23, 2026 (Office hun chungin)  
Interview hun - January 27, 2026 (9:30 AM)

List tar chhuah hun - January 28, 2026 (9:00 AM)  
Admission tih hun - January 28 -29, 2026 (9:00 AM atangin)

**2. Pawl 2 - Pawl 7**

Dilna Form lak chhuah leh theh luh hun -  
February 16 - 27, 2026 (Office hun chungin)

List tar chhuah hun - March 3, 2026 (10:00 AM)  
Admission tih hun - March 3, 2026 (10:00 AM -2:00 PM)

Note: 'B' Pawl, Pawl 1 & Pawl 8 atan Admission hawn a ni lo.

Headmaster,  
Sikulpui

